

Мокшэрзянь  
ВЛКСМ-нь обкомть  
и Саранскань  
Горкомть газета-  
сна

Редакция адресон:  
Саранск, ул. Карла  
Маркса 9— Комсо-  
молонь вайгяль  
Газетать пятац  
квас 60 трешник



# Комсомолонь ВАЙГЯЛЬ

24

ДЕКАБРЬСТА  
1935 КИЗОНЯ  
142 (244) №

Лисоня омбоце киз кофта 12

## Комсомольской организациятнень отчетно-перевыборной кампанияснонды

ВЛКСМ-нь обкомть секретаренц Иванов ялгать статьяц

Йотась кота шит ся пинкть эзда, мзярда ушедсь комсомольской организациятнень отчетно-перевыборной кампаниясна.

Пяк нюрхкяне пинкнень эзда конатнень тейнек максозень комсомолонь ЦК-сь тя кампаниять йотафтомс,—6 шитне лувондовхть сатомшка пингокс сянди, штоба няфтемс, кода минь райкомнеке маштыхть боевойста, оперативнайста пшкотькшнемонза ЦК-ть решени-яни. Тячиень шити тейнек эрхольни йотафтомс эрь районца несколько первичнай организациянь отчетно-перевыборной пуромксень йотафтомаснонды аф кярмодькшнихть.

Тевса лисенди прокс пиякс. Тяниень пинкть самс комсомолонь райкомтнень ламосна сембенинга „тиендихть“ (разрабатывают) кампаниянь платт, пуропнихть различнай (сидеста аф эрхавикс, лишнай) заседаний и совещаний, а первичнай организациятнень эса отчетно-перевыборной пуромксень йотафтомаснонды аф кярмодькшнихть.

Райкомонь секретарьхнень ламосна изезь шарьхкодь ВЛКСМ-нь ЦК-ть указаниянзон кампаниять точна-ладяф пинкнень эзда йотафтоманц колга, конат обязательнайхть эрь комитетти, эрь комсомольской организации. Ардатовской райкомс (секретарьсь Левин ялгась), тиеток перевыборонь йотафтома план, васеньце отчетно-перевыборной пуромксень арьсезе йотафтомс декабрь 25-це шистонза. Ковылкинской райкомс (секретарьсь Ионов ялгась) арьсиня декабрь 24-це шинцты пуроптомс комсоргтнень инструктажс, а перевыборхненди кярмодемс декабрь 26-27-це шинзон эзда. Лямбирьской райкомс (секретарьсь Ямбушев ялгась) комсоргонь совещанийть арьсезе йотафтомс декабрь 25-це шистонза, а мзярда ушедомс перевыборной пуромксень—сонць нингя аф содасы...

Тяфтама жа положениясь Дубенкасонга (райкомонь секретарьсь Курганов ялгась), кося аныцек декабрь 21-це шистонза кярмоцть планонь тиетати, а комсоргонь и парторгонь инструктивнай пуромксень арьсеф йотафтомс декабрь 25-це шистонза. Ромадановань райкомса (райкомонь секретарьсь полафтыец Кусякин ялгась) тисть перевыборонь йотафтома стама план, конань коряс васеньце отчетно-перевыборной пуромксень йотафтови аф декабрь 27-це шидонза инголе. Отчетно-перевыборной кампаниять сроконзон тяфта эсь-воля полафнемасна, тя тевса означает, комсомолонь ЦК-ть четкай указаниянзон игнорированиясна.

Саранскань комсомольской организациясь отчетно-перевыборной кампаниясь ушедсь как будта эсь пинкстонза. Но васеньце пуромксне, конат йотаффт декабрь 19-це шистонза пединститутса группатнень эзга, няфтезь, што кодамовок подготовительнай работа теест атак йотафтт. 1 и 4-це курснень химико-биологической факультетса группань пуромксне йотасть станя, што яв-

найста нарушандазь и извращандазь ЦК-ть указаниянзон.

ЦК-ть сьормац пуромкснень эса изь лувондов, комсоргтнень письменной отчетсна ашельхть, группортнень отчетснот меле решени-ят апак примактольхть, комсомолецне пуромксу састь билетфтома, регистрация ашель. Комсоргтнень работаснон лангса ашель эрхавикс большевистскый критика. Сембе пуромксне марса пуромкснемат мархта таргаветь аф 40-45 минутта ламос..

Обкомть бюроц лувозе аф виденьди (осудило) пединститутонь комсомолонь комитетть и сонь секретаренц Силкин ялгать поведени-яни, кода сановно-барскый, бюрократической отношения тяшкава исключительна эрхавикс политической работати. Обкомть бюроц полафтозень химико-биологической факультетонь 1 и 4 курсонь группатнень йотафт отчетно-перевыборной пуромкснот и мярьгсь йотафтомс одукс ВЛКСМ-нь ЦК-ть указаниянзон коряс. Минь областной организацияньконь эзга отчетно-перевыборной кампаниянь васеньце результатне тиендихть оцю пелькст. Синь няфтезь, што ламоц райкомтне и синь секретарьсна исть машта четкайста и оперативна пшшкотькшнемс ЦК-ть боевой решениянзон. Фкя ширьде няньдеви аф нолдавомшка нолаши (неповоротливость) а омба ширьде растерянность, фкя ширьде омба шири ласьконьдема, главнайти, основнайти кярмодемань аф маштома.

Отчетно-перевыборной кампаниянь срокне конатнень ладязень ВЛКСМ-нь ЦК-сь, пияк кярьфтафт нюрхкянт. Но нят срокне безусловно, реальнайхть и сатомшкат сянди, штоба сембе организаци-янь, и башка сонь руководстванц

виенц лац пуроптоманц вельде, боевойста йотафтомс отчетно-перевыборной кампаниять.

Райкомтненьди и синь секретарьснонды эрхави инь курокста одукс ваномс эсь планцнон сяс, штоба коренной образса полафтомс сроконь и йотафтомс эсь пиньгстонза отчетно-перевыборной кампаниять.

Тя работаса вешеве оцю практической лезкс и эрь шинь руководства партийнай организациятнень ширьдя. Эрхави витькстамс, што тяфтама лезкс и руководства ниньге аф сембе райкомтне и первичнай парторганизациятне максихть комсомолти.

Партиянь райкомтненьди эрхави лездомс комсомолонь райкомтненьди планонь тиетаса, ванондомс ня платтнень бюроса, петемс комсомолонь райкомтнень тевснон тоса, кося синь эльбячнихть.

Тя пияк важнай политической кампаниянь юматфт васень шитне эрхавихть навестандамс. Но тя возмещениясь улеза тийф аф эрсколомать (спешкагь), работать качестванц кярьфтаманц вельде, а аныцек сембе областной комсомольской организации виенц максимальнайста мобилизовандаманц вельде, практической лезксть цебарьгофтоманц и партийнай руководствать цебарьгофтоманц вельде.

Сембе комсомолецнень и комсомолкатнень мобилизовандазь, критикать и самокритикать келиста мольфетезь партиянь областной комитетть практической лезксонц и руководстванц вельде тейнек эрхави боевойсти йотафтомс отчетно-перевыборной кампаниять, комсомолонь Всесоюзнай с'ездти лифтемс мокшэрзянь областной организаци-янь Куйбышевскый орденоноснай краень комсомольской организациятнень васеньце рядс.

## ССР-нь Союзонь Народнай Комиссаронь Советть и ВКП(б)нь Центральной Комитетть путфкссна

Сяс, што Азово-Черноморскый крайсь, Куйбышевскый крайсь, Саратовскый крайсь, Омскый областсь, Белорусскый ССР-сь, Азербайджанскый ССР-сь и Армянскый ССР-сь пшшкотькшнемс государствати сьоронь максомаса киза кувалмонь планцнон, конань теест максезь СССР-нь Совнаркомсь и ВКП(б)нь ЦК-сь и анокласть эстиест видьмот яровоень видемс,—ССР-нь Союзонь Народнай Комиссаронь Советсь и ВКП(б)нь Центральной Комитетть путозь:

Мярьгомс вярэ азф республикань, краень и областень колхозненьди, колхозникненьди и трудяй башка эрхавихненьди кинь ширьденгя апак шорьсек (беспрепятственно) мишеньдемс эсь сьороснон (почьфса, зернаса и пидеф кшиса) кооперативнай организациятненьди, а станя жа велень базархнень эса и машина ки лангонь станциява.

СССР-нь Союзонь  
Совнаркомть преьсвателец  
В. МОЛОТОВ

1935-це кизоня декабрь 21-це шиста

ВКП(б)-нь Центральной  
Комитетть секретаренц  
И. СТАЛИН

Педагогическый институтонь  
химико-биологическый факуль-  
тетса 1-це и 4-це курсонь  
комсомольскый группатнень  
эса отчетно-перевыборной пу-  
ромкснень колга

ВЛКСМ-нь Мокшэрзянь обкомть бюроц  
путфисонц 1935-це декабрь 20-це  
шистонза

1. ВЛКСМ-нь обкомть бюроц лувондсы, што Педагогическый институтонь химико-биологическый факультетса 1-це и 4-це курсонь комсомольскый группатнень эса отчетно-перевыборной пуромкснень йотафтомста явнайста нарушандафт и извращандафт ВЛКСМ-нь ЦК-ть указаниянза. Тя няеви сянь эзда, што:

1) Отчетно-перевыборной пуромкснень эса изь лувондов и лац изь ванондов перевыборхнень колга ВЛКСМ-нь ЦК-ть сьормац.

2) Группань отчетно-перевыборной пуромксненьди комсомолецне састь комсомольскый билетфтома и пуромксса ашель саф комсомолецненьди регистрация.

3) Пуромксне йотаффт эрхаскадозь, исть ванондов лацкас группортнень отчетсна и докладтнень коряс апак примакт кодамовок конкретнай практической предложения.

4) Комсомолецнень и афсоюзнай тонафни од ломаттнень йоткса воспитательнай работать афсатыксонзон колга ашель эрхавикс самокритика.

II. Тя положениясь арьсь результатскс сянди: што ВЛКСМ-нь комитетть и сонь секретаренц Силкин ялгась йотасть йотафтомс отчетно-перевыборной кампаниять сядя курокоя, штоба тя кампаниясь афоль шьорсь зачетнай сессиять йотафтоманцты, сяс и ВЛКСМ-нь ЦК-ть сьормац апак проработан-дак аф комитетса, аф комсоргонь и группоргонь совещаниясь.

ВЛКСМ-нь обкомть бюроц путнесы:

1. Лувомс пияк аф виденди педагогическый институтонь комсомольскый комитетть и сонь секретаренц Силкин ялгать поведениаснон кода формально-бюрократической отношение группаса отчетно-перевыборной пуромкснень йотафтомаснонды, азомс ВЛКСМ-нь комитетти и сонь секретаренцты Силкин ялгати, што кда улихть нолдафт оммоцедатяфтама фактт группави и факультетса отчетно-перевыборной пуромкснень йотафтомста—ВЛКСМ-нь обкомсь ули вынужденнай таргамс синь кеме союзнай ответственностьс, кода ВЛКСМ-нь ЦК-ть указаниянзон игнорировандаманкса и нарушандаманкса.

2. Пединститутонь 1-це и 4-це курсонь химико-биологическый факультетса комсомольскый группатнень эса отчетно-перевыборной пуромкснень лувомс аф виденди и йотафтомс оду, конатнень йотафтомстост явнайста нарушандафт ВЛКСМ-нь ЦК-ть указаниянза. Мярьгомс пединститутонь комсомольскый комитетти йотафтомс нят группатнень эса отчетно-перевыборной пуромкснень омбоцедат и строгайста ВЛКСМ-нь ЦК-ть указаниянзон коряс.

3. Мярьгомс ВЛКСМ-нь горкомти ваномс—кода йотаффт отчетно-перевыборной пуромксне пединститутонь кия группатнень эзга и результаттнень ванондомс ВЛКСМ-нь горкомонь бюроса.

4. Тя путфксть печатламс газетаса ВЛКСМ-нь обкомть секретаренц Иванов.



# Пединститутонь орга низациятьне набушан дазь ВЛКСМ-нь ЦК-ть указаниянзон

Пединститутонь комсомолонь комитетонь секретарь Силкинц кодак лувозе ВЛКСМ-нь ЦК-ть путфксонц и сьорманц комсомольской руководящей органтнень одукс кочкамаснон колга арьсезе, што нят одукс кочкаматнень эзда эряви куроконе отделаться и сянгса тийсь план, коса йорась декабрь 25 це шинц самс сембе пединститута перевыборхнень аделамс.

И вов ушодсь перевыборнай „суегнясь“. Биологической факультетонь курсонь 1-це и 4-це группатнень эса перевыборхнень арьсезь тиес декабрь 19-це шистонза. Нят группатнень эса комсомолещне перевыборхнень колга мезевок ашесть сода а кулезь групп ортг курста аныцек мекпальден урокта. Урокта меле комсомолещне лядсть перевыборнай собранияс. Комсомольской билетсна комсомолещнень кядьса ашельхть. Да и синьх нят (группань организаторхне ашезь сода пуромксь ули открытай али закрытай.

Группань организаторхне Кириловася и Алкутовася письменнай докладт эсь работаснон колга ашесть сьормадкшне и сяс докладт синь тийсь „вообще“ комсомольской работат колга.

Пединститутонь комсомольской организациясь перевыборнай собранияи кодамовок аноклама работа ашезь вятя. Комсомолещне мянь пуромксу модемс ашезь лувонда ЦК-ть путфксонц и сьорманц.

Сянь вастс, штоба пуромксса лувомс ВЛКСМ-нь ЦК-ть сьорманц, 4-це группаса комсоргс Шиловася тья сьормат (колга тийсь аныцек „информация“. Отчетнай пуромксть самос лама комсомолещ ашезь панд комсомольской взноснон и лиятнень 3 нь киза апак пандфт интернациональной и шефской взносна.

Пединститутонь перевыборнай пуромкснень эса ульсь представитель ВЛКСМ-нь горкомста, но сон ЦК-ть указаниянзон калафнемаснон лангс ванць „обычно“.

ГРОНТ.

## Мезе тиеньди литянинц?

Торбеев, Малышу велеса ули комсомольской организация (комсоркс Литянинц), коса кодамовок работа аф йотафневс, кода комсомолещнень а стания аф союзнай од лomatтнень йотковок.

Тя пингс апак организовандак кодамовок полтшкола, 6 кофт, кода ни ашель комсомольской пуромкс.

Фявок комсомолещ эсь лемозонза аф сьорматфни газетат. Комсомолещне йотафнесазь пингснон сиделкава, конатнень каршес комсомольской организациати эряволь вегямс тюрема.

Велеса ули клуб, коса заведующайкс ащи Маскайкинц, сон клубть вестья аф панчсесы. Тянь ланкс кодамовок мяль аф шарфли комсомольской организациась. Комсоргс эрь илядне якй иредьста.

ВЛКСМ-нь райкомти эряви варжакстомс Малышу велень комсомольской организациати шири.

Од ломань.

## МАССР-нь ЦИК-ть 3-це сессиянц работаста

### Декабрь 20-це шистонза иляденъ заседанияс

Иляденъ заседанияс ЦИК-нь председателъ Сурдин ялгать докладонц колга содокладса корхтась Атяшевонь райисполкомонь председателъ Рузавин ялгась и Зубунь—Тяпаев ялгась.

Кода Рузавин ялгась, а станежа Тяпаев ялгась эсь выступлениясост азондозь велень советтнень калдыв работаснон и фактса и примерса азондозь мес калдывста работаст.

Рузавин ялгась азондозе, што лама вельсовет культурно-воспитательнай работат вастс йотафнихть эсь работасост голай администрирования. Лобасовской вельсоветс перевыборхнень йотамода 2 кода меле эсь пленумсонза лих тезень вельсоветонь составта аватнень — советонь члентнень, бта синь мезевок аф тиеньдихть. 718 вельсоветонь члентнень эзда избирательхнень каршеса тиеньдисть отчетт аныцек 77 член.

Тяка пингова Рузавин ялгась, азондозе Козловской вельсоветт работанц, конац эсь работаманц ладзя культурновоспитательнай направленияс. Тяса работакть сембе секциятне и депутатской группатне. Сембе секциятнень улихть эсь работамань плансна. Секциятне эсь перьфкаст пуроптсть кэлхознай актив. Сяс Козловской вельсоветс районца зыньцесы васеньце вастть.

Зубунь риконь председателъ Тяпаев ялгась эсь содокладсонза азондозе, што Зубунь районца нолдаф советской демократиянь оцю калафнема. Перевыборхнень эзда сямомок 73б члентнень эзда вельсоветса лифтьфг 133 член. Зубунь велень советса 29 члентнень эзда лифтьфг 12 член.

Сяда меле Тяпаев ялгась корхтай, што лама велень советса калдывста ладяф организационнай и воспитательнай работаст. Вете велень советса нльне юмафтозь накуснень, конатнень максосыз избирательхне. 195 вельсоветонь секциятнень эзда работайхть аныцек 50, а сятка работайхть калдывста 13 депутатской группатнень эзда фявок аф работай.

Тяпаев ялгась заключениес аныцек ЦИК-ти, штоба сон лездоль укомплектовандамс райисполкомтнень и лия важнейшей организациатнень цебярь работанкса.

### Декабрь 21-це шистонза шавдаванъ заседанияс

Шавдаванъ заседанияс ульсь преният. Сурдин ялгать докладонц коряс.

Пренияс корхнестъ Ельниковской райисполкомонь председателъ Вишняков ялгась, Ардатовонь райисполкомонь председателъ Тайдаков ялгась, ЦИК-онь члентъ—Ичалкань районца колхозникс Назаров ялгась, Рогачев ялгась, Дуденков ялгась, Атяшевонь прокурорс Нестеров ялгась, Рузавин кань делюста машинистс Агеев ялгась и лияне.

Эсь выступлениясост нят ялгатнень эзда ламось азондозь, што ниньге лама вельсоветса нолывихть советской демократиянь грубой нарушениат.

Божанов ялгась (Слобдань риконь председателъ) азондозе, што сембе вельсоветонь председателхнень эзда 33 процентс валхфт работаст, конатнень эзда ламось валх ф злоупотребленианкса. Бажанов ялгась корхтай, што ян вартъ 5-це шистонза районца улихть паньчфт кафта коновъ курст.

Рожендеева ялгась (Рузавин кань

районца азондозе кода сон работай вельсоветонь председателъкс и корхтай, што райисполкомтне ниньге кржа лезкс няфнихть нят аватненьди, конат кучфт руководящей работас.

Сяда меле пренияс корхнестъ ЦИК-нь орг. отделтъ заведующаец Очкин ялгась Сон эсь выступлениясонза азондозе, што советтне ниньге лама путникхть незаконнай штрафа, калдывста кирьдсизь „советской хозяйствать“, што сидеста нльне аф луйи эрявикс документ.

Сяда меле Очкин ялгась азондозе, што кой-кона райисполкомтне калдыв условияс кирьдсизь риконь инструкторхнень.

### Иляденъ заседанияс

Иляденъ заседанияс мольтъ преният Сурдин ялгать докладонц колга.

Пренияс корхнестъ Кадошкинань прокурорс Гусев ялгась, Республикань прокурорс Абмаев ялгась, Ичалкань РИК-ть председателец Рабов ялгась, ЦИК-нь инструкторс Чичкин ялгась, Партколлегияс Антипов ялгась, ЦИК-нь секретарь Мурзакаев ялгась и мекпальцесъ корхтась МАССР-нь СНК-нь председателенц полафтыец Бобков ялгась.

Нят ялгатнень эзда ламось корхтась рабселькоровской движениат колга. Мянть тиярс ниньге лама райисполкомонь и вельсоветонь председателъ аф примсихть мерат газетаса таштьф заметкатнень коряс, а сидеста ниньге синьх руководителхне селькорхнень лангс пуропнихть гонения.

Абмаев ялгась башка малъ шарфцъ сянь лангс, штоба райисполкомонь, вельсоветонь председателхне и лия руководителхне куроконе примселихть мерат велькоронь материалхнень колга.

Ванонц, сын инь цебярь библиотеканьди Всесоюзной конкурст моломанц.

## Республикаса библиотекатнень работасна цебярьгочни

Торбеевань райисполкомс самообложениянь средстватнень эзда библиотекатненьди литературань рамамс нолдась 10.000 цалковайхть.

Теньгушевонь районнай библиотекати максф од помещение, конац цебярьста ремонтровандаф, коса улихть стилажт, мебель и стак тов. Шокша велеса панчф од библиотеки, коза добуваф книгада 300 экзemplархт.

Ромодановань райбиблиотекась мекпальденъ пингть морафныхнень лувксснон 587 ломаньца, касфтозень 846 ломаньца. Инголе передвижкада ульсь 15, а тияи 17. Литератураньди нолдаф 373 цалковайхть ярмак. МТС-са панчф од библиотеки.

Лямбирьса панчф татаронь библиотека и рамаф 500 экз. книга.

Рузавин кань райбиблиотекаса морафтыхнень лувкссна пачфтьф 72 ломаньца. Организовандаф 22 передвижатк и 8 книгоношат. Аф кунара добуваф 2.000 экз. книга.

Саранской райбиблиотекав рамаф аф кунара 300 экз. книга. Книганди нолдаф ниньге 1000 цалковайхть. Морафтыхнень лувкссна кассь 50 процентс.

## Рамсевичть коль од книгат

Сувамок библиотечнай конкурсти Инсарской райононь библиотекатне кармасть работама ингольцетъ коряс сяда цебярьста.

Райцентрань библиотекась организовандась морафтома куд, конань эса тийф культурнай вид. Добувасть тятденъ кизотъ 500 цалкованень питне книгат. Морафтыхнень лувкссна 718 ломаньца кассь 1331 ломаньца. Библиотекатъ улихть 22 передвижанза. Конкурс йоткова йотафтьф морафтынь колма кон

ференцият. Организовандаф 6 книгоношат. Пуроптф морафтынь группат, конат тонафнихть самообразованияс. Районца сембе библиотекатнень эса тийф культурнай вид и сатсть лия всякай лаца сатфкст.

В/х. техникумонь библиотекась касфтозе книжной фондонц 1356 цалковайс, аф кунара рамась 535 экзemplархт книга.

## Библиотекась йотафтьф цебярь помещениас

Краснослободскаень районнай библиотекась инголе ульсь пях калдыв помещениас, морафтыхнень мархта работаст йотафневс аф сатомшка, но сувамок сембесовунай конкурсти, библиотекатъ шамац полафтьс.

Библиотекась сатсь од валда помещение 4 комнатаса, конатнень

эса тийф культурнай вид.

Морафтынь башка группатнень мархта библиотекатъ виенц вельде йотафневс самообразовательнай работа. Ладяф методической работаст. Велень библиотекатнень эзда книгада рамаф аф кунара ниньге 1000 экзemplархт.

## Морафтыхнень лувкссна касы

Кда инголе Зубунь районнай библиотекась ульсь калдыв, паяес калада зданияс, коса ульсь аныцек фяя комната, то библиотечнай конкурс сувамда меле тьянди путфпе. Конкурссь ламода лездсь библиотекатъ работанц цебярьгофтомаса. Тияи библиотекати макссть цебярь помещение, коса кафта оцю комнатат.

Зубунь РИК сь бюджетта башка библиотекати нолдась 1.500 цалковайхть. Библиотекась получаф рабочкомтнень эзда 2.000 экзemplархт книга. Библиотекархне, сяда пях Чумаковася содасазь морафтыхнень.

Библиотекав тийф культурнай вид, чистота, потмоса панчфт и стак тов.

Основной морафтыда библиотекаса сембоц 394 лomatть, аф лувомок передвижатнень. Передвижкада сембоц 26. Мокшень велетнень эса 13, татаронь 1, рузвелеса 12. Передвижатнень эса ули художественнай, политической и технической литература.

Передвижатнень эса сембоц 1.130 экзemplархт книга, Библиотекаса книгада сембец 10.000 экзemplархт. Улихть художественнай литературань пцтай сембе новинкатне, но сембе сьяа аф сатомшка. Марксизмань Ленинизмань класикнень эзда Ленинонь полнай собрание сочинениянзон эзда 2 комплектт, шеститомникта кафта комплектт, двухтомникта 9 комплектт улихть и лия литературат.

А. Дуйков.



# РУЗАЕВКАСА ГЕРОИЧЕСКАИ ШИТНЕ

РУЗАЕВКАНЬ РАБОЧАЙХНЕНЬ ЛЯТФНЕМАСНА

## КОЛМАГЕМОНЫ КИЗОДА ТЯДА ИНГОЛЯ

Гринчак М. Л.

3-це боевой дружинань членц

### „РУЗАЕВСКАЯ РЕСПУБЛИКА“

Паровозса машинистонь помощникс работамста, мон обслуживаюм балластной поезд Сура станцияса. Машинистокс мархтон работась Волжинской ялгасы. Рузаевкаты мархта минь кирьдеме эрпынгень соткс, улеме прокс рабочай движениянь курса.

Весть Волжинской ялгасы балластной карьеронь рабочайхнень йоткса йотафць митинг и азондозе теесть забастовкаты значениянц. Тянь инкса вастстонь жандармась пугозе мяльс арестовандам минь. Но тейнек тянь колга азозь Сура станциянь начальниксь и станциянь дежурнайсь Илодомасов ялгасы, сяс тейнек удалась воргодемс тя арестить эзда. Минь йордасык работаньконь и пугоськ тумс Рузаевкав. Тума пиньгста ингольнок угадавсь стражник. Минь сясоськ сонь револьверонц.

Поездть эзда аярфотськ паровозть и фия вагон, минь свистокфгома жезлафтома туме Рузаевкав. Кочелай раз'ездонь рабочайхнень минь васьфемазь цебарьста и макссть тейнек винтовкат.

Кигвалма молема минь кочксеме оружия и Рузаевкав усоме 4 кольтат, 2 нагатт и 1 винтовка.

Минь теплушканьке Рузаевкаса ульсь пугф васеньце кить лангс и сонь эсонза ульсь организовандаф оружиянь складсь.

Ся пингть ульсь организовандафт колма боевой дружинат 25-н ломань кажнайть эса.

Минь дружинаньконь лангса обязанность ульсь станциянь аряляма. Дежурствасы ульсь ладяф колма сменасы.

Стачечнай комитетсь вятсь работа аф анычек машина кить лангса, но и фатязе сембе поселкаты территориянц и азозе Рузаевкаты „республикакс“.

Ульсь сьавфт учетс сембе магазинтне, и товаронь нолямась ватевсь анычек стачечнай комитетть ордеронзон коряс. Лиякс азомс, железнодорожников стачечнай комитетсь кармасы управляндама сембе поселкаты мархта.

Забастовкась аделавсь снярда, мзярда кулеськ, што Пензаста сай карательнай отряд. Сонь самозонза 6 частта сядя инголи пуроптоськ сембе рабочайхнень и пугоськ забастовкаты аделамс.

Забастовкада меле ушедсть аресттне, а мон тунь волнскат поездть мархта и тянь вельде тейне удалась воргодемс арестить эзда. Ламонь монь ялгань озафтозь тюрьма, ламонь судендазь минь рузаевскат „республикань онь“ инкса.

1905-це кизоня Рузаевкаса ульсь аф оцю поселканькс, конань эса ульсь 100-150 куд. Рузаевкаты перьф ащи велетнень эса эрять мокшет и татархт. Исправникнень и земскат начальникнень мархта эфнеф и шовда мокшетне и татархне экономическай и культурнай ширьды ульсь пяк фталу лядф.

Вов тяфтама глухой вастть эсатиевсь машина кинь рабочайхнень забастовкасна.

Забастовкань карша Москуста Рузаевкав сась сембеньди содаф большевиксь — Ухтомский машинистсь. Московскат узелонь большевиконь подпольнай (савала работай) организациясь кучесь рузаевкань рабочайхненьди лама нелегальной литература.

Сидеста йотнесть митинг. Синь эсост корхтама лисеньчельхть забастовкаты пуроптыенза (организаторонза) Ухтомский и Байкузов ялгатне. Синь корхнесть забастовкаты целензон и значениянц колга, азончезь кода ащи тевсь Москуса, терьнезь рабочайхнень забастовкань и вооружоннай восстаниянь тиема.

Декабрь 10-це шистонза тревожной гудокть коряс депоса и мастерскойса лоткафтольхть сембе работатне. Вокзалть васеньце классонза ульсь пуроптф митинг. Байкузов машинисть тердеманд каршес, рабочайхне сембе фкя мяльса пугозь лездомс железнодорожников всеобщай забастовкасонды. Сияк ульсь пуроптф стачечнай комитет, коза председателыкс кочкафоль Байкузов ялгасы.

Станцияса ламонь ши ащекшни сембе пассажирхнень прважамода меле ульсь лоткафтф пассажирскат и товарнай поездонь движениась.

Прважакшневь анычек воинскат эшелонте, конатнень эса уленцть Дальний Востокста сашенды солдатт, и Москувонь и линейнай рабочайхненьди продовольствия мархта поездтне.

Мяляфтан тяфтама случай. Шклениксь—депоть начальникоц—атказась стачечнай комитетть распоряжениянцты подчиняндамат эзда. Сон кучьсь паровозты и йоразе усомс товарнай поездть. Паровозть перьф пуромф машинисттне, конатнень йоткса главнайкс ульсь Волжинский ялгасы, валхтозь депонь начальникть паровозть эзда, аф ламода пиксозь, штоба эфтемс и прважазь квартиразонза...

Тейне, кода поездонь осмотршоньди, сашендовсь сидеста ащекшнемс станцияса. Дальний Востокста сай солдаттне ашезь шарьхко чне моленьди событиятнень смысласнон и кой конат синь эздо т враждебнайста ванцть забастовкаты лангс.

Эряви модемс куду, а тяса кодама бди забастовка.—корхнесть синь.

Мон азончинь солдаттненьди революцият значениянц и сембедонга пяк эсь забастовканеконь колга. Тя агитацият результатонза аф ялан ульсь благоприятайхть. Весть монь цютть ашемазь пикса.

Курокста Рузаевкаса кармась аф сатнема продовольствиясь. Стачечнай комитетть распоряжениянц коряс ульсь формировандаф поезд. Продовольствиянкса рузаевкань рабочайхне арнесть Пензав.

Жалование рабочайхне ашесть получахне, продуктат рамсемс ашель мезь лангс. Комитетсь мярь-

ксь (обязал) тостоконь торговчененьди, штоба синь рабочайхненьди продуктат ноляхть вдолк (вкредит). Ярмкань вастс рабочайхненьди макссельхть талотт, конатнень лангс путнефоль комитетть печатец.

Декабрь 20-це шистонза минь получама тревожной кулят Москуста, што тоса забастовкась лоткафтф (подавлена). Сведениянне корхасть, што кить эзга ни арестовандакшнесазь и ляценцазь рабочайхнень и служащайхнень. Тревожной кулят получафтольхть тяфта жа Сасово станцияста. Тоса жандарматне и полициясь арестовандастама рабочайхть. Москуть мархта соткс ашель.

Тяфтама ответственной пиньгста рузаевкань комитетсь решил азомс эсь прянц центральной стачечнай комитетокс и сьавозе эсь лангозонза линият лангса забастовкаты лангса руководствать пуроптоманц.

Но танга сакя Москуть мархта сотксть лоткафтомац, Москуса востаният подавленияц, продовольствияфтома шись кармасть тиеньдема упадочнай настроенийт рабочай массатнень йоткса.

Сембе ня обстоятельствоатнень лувондомок, комитетсь пуроптсь рабочаень пуромкс, конань эса ульсь арьсеф, што мольтемс сядя

тов забастовкаты бестолесна и декабрь 22-це шистонза ульсь азф забастовкаты лоткафтоманц колга. Рабочайхненьди мярькфоль кярмодемс работамы и ладямс поездтнень движенияснон.

Ровна кизода меле пензань окружной судса судендафтольхть забастовкаты организаторонза. Мон терьдфолень свидетелькс стачечнай комитетонь члентть Маслов ялгаты тевонц колга. Мон максонь показание обвиняематть пользас. Прокурорсь пяк нервничендась и свидетельхнень показанияснон азозень „сапонень пузырькс“.

— Теест улемс аф свидетелькс, а подсудимазьн сямиять лангса,—няфтьсь минь лангозонк прокурорсь.

Судть приговоронц коряс Байкузов ялгасы, кода забастовкань главнай инициаторсь и организаторсь, ульсь судендаф киза и палес тюрьмаса ащема, илчды участникне—сяда кржа пиньгс.

Рузаевкаса забастовкась макссь оцю толчок рабочаень массатненьди, сыргозфтезе синь сознанияснон, срхкафтозень синь ингольпяи тюрьема эсь тевснон инкса. Тя забастовкась тонафтозень синь содсемост кие синь врагсна и кие ялгасна Боевой дружинань членц

ЕГОРОВ

### ШИНЕК ВЕНЕК МОН КОВАНДАНЬ ОРУЖИЯ

— Мон кузнецан. И эста, колмогемонь кизода инголе, ковандань баррикаднай бойхненьди оружия.

Пуромкшнемс и корхнемс салава. Жандарматне и шпионттне ванцть минь эрь аськолксоньконь мельгя. Пуроптома калонь кундама, мярьгат калхт кундтама, а миньц политикаты колга корхнетьма.

Ульсь минь йотксонок механической мастерскойса слесарь Петр Васильевич Власов. Сидеста эрьсекшнесть сонь революционной книжанца; сон синь лувондкшнелезень и вятнелъ мархтонок беседат.

Мастерскойса несколько рабочаень эзда Власовсь организовандась кружок. Весть кода-бди мархтонок забастовкаты значениянц колга беседань вятемста, сон мярьгсь:—сембе вастова бастовандайхть,—анычек минь, рузаевецне, лиядк шнетьма фталу.

Минь азоськ мяленьконь бастовандамс и кармаме тяньди аноклама.

Кода-бди октябрьста сувасть Власовсь мастерской. Сон ульсь вишькста волновандаф:

— Кульсасть тревожной гудокть?

Бастовандама, братецт! Йордасть работать.

Тянь ювадемдонза меле, Власовсь азозе:

— Стачечнай комитетсь азсь за бастовка.

Минь йордасык работаньконь и туме станцияв.

Тязя пуромсть сембе рабочайхне. Азозь митингть. Забастовкань организаторхне явось обязанностьтнень, киньди мезе тиемс.

Моньдине, кода кузнеценьди, мярьгсть ковандамс холодной оружия. Мон вишькста кярмодень тевти.

Шинек венек мон ковандань кинжалхт. Пелькс ульсь, но радостналь. Эрь кинжалть шовсеськ сядя оржаста, арьсеме—кармай эрвама... Лезнесть тейне и лия кузнецевонк: Александр Сазановсь, Григорий Романовсь и котельниксь Пырмановсь.

Финиче ковандайхть, а омбонцне кравуляйхть.

Оружияда минь ковандаме лама и вооружандаськ мархтоост минь боевой дружинанеконь.

А. И. Тростин.

### КОДА МОН УСКИНЕ ДЕЛЕГАТТНЕНЬ

Октябрь васьень шинзон эзда мон поездса тунь Пензав. Рузаевкаста тумодон инголя монь васьфтемань машинистонь помощниксь Мироновсь и азозе тейне, што тячи 6 частта ушелонок Рузаевкаса сембе работась лоткай.

Омбоце шиня Пензаса получаць стачечнай комитетть телеграмманц поездтнень движенияснон лоткафтоманц колга. Лоткафтозе рабутац пензенскат узелськя. Колмоце шиня шовдава минь молема депоть начальникинцты Демьяновти и вешема сонь ширьденза, штоба

мрдафтомс сембе паровоснень Рузаевкав и сон марса минь мархтонок мольсь станциянь начальникти Ломбердти. Но станциянь начальниксь паровоснень мрдафтомаснон мархта ашезь согласинда. Эста мон кизефине Рузаевкаты.

Тоста отвачасть телеграммаса, штоба Пензаста пражалхть кафста паровост фкя товарнай вагон мархта и кить эзга молема кочкамс делегатт—тифтенъ ломань эрь станцияста.

Ся заданият мон пашкодине. Малафца, кода бди илядь ульсь

митинг, коса корхтась Байкузов ялгасы. Сон шарфтьсь Дальний Востокста сай солдаттнень шири и вешсь, штоба синь шоворельхть рабочаень движениати.

Мзярда ушедсть минь стачканеконь граминдама, мон салень депоста и няинь эсь кудозень вакста ниле алашат. Мон шарьхкодень, што монь ширесон „инжихть“—казакт и жандармат. Шовдава арестовандазь Максимыч студентть и комитетонь иляды члеттнень.

Депонь машинистсь—МЕДВЕДЕВСЬ.



## Карман нормазень пашкочнема 150-200 процента

Минь колхозонок да и лия колхознень эсовок можна кулемс корхтамат, што выработкань норматне съора урядамаса и тялямаса вельф аф пашкодевихть.

Монь мяльсон, тя аф виде. Всякай лаца работась можна пашкодемс вельф, но тынка эряви, штоба звеньевоись правильнойста пшольхень звенать виензон и вийть явольхце станя, штоба синьць колхозникне и колхозницатне честнайста ванольхть работать ланкс, работальхть кода можна цебарьста и афольхть надья лиятнень ланкс.

Азан эсь колгац. Стахановской движениать колга кулять мон кулине аф кунара, монць малограмотна.

Сяс мес, колхозса мон работань честнайста и добросовестнайста, всякай лаца работамань нормань выработкатнень пашкочнелине ламонь крда. Кепетьксоньди пулфонь сотомста. Нормас корьярьсефсотомс 400 пулфт, а мон сотнень 1000 пулфт. Кода тынь мон сатыне? А вов кода. Васендакига, работань мон апа лотксек, равномерно, апа эряскадт. Лия колхозницатне, инголи ушедыхть работама эрязста, мекпяли кармайхть сидеста ваймосеме.

Пулфонь сотомась зависит сянь эзда, кода тиеньдеви хть карксне. Кой-конат пьлтсэз каркснень, а ты кирнесы работать. Мон тиеньлиякс. Сяван курмось (комор) розь шужарь, розь курмозь пря пезонза сотан сюлма, явса сонь кафта пьялкска, курмозь пугса пулфть ланкс, шарфца омба, ширенц и сотса кода эряви и пулфсь анок.

Мзярда тыфта работат, то ванфат пиньге и пулфська сотови цебарьста.

Тыфта работаь можна сотомс 1000 лама пулфт, но минь работаньконьди шьорсесь обстановкась, конань эса минь работама, а обстановкась ульсь калдыя.

Цебарьста мялафцаине ся шитнень, мзярда минь Донина колхозницать мархта сотнелеме 1000 пулф. Минь априякшнемась, аф аныцек аватне, но и алятневок.

— Ванода, тинь тыфта карматада инголь пияинья, и норматнень и касфтсэз, эряви работамс острожно.

Штоба кяшемс эсь выработкань конь минь эсь фкя шинь выработканьконь сьормаджшнелеск кафта шива.

Фкя шиня бригадирти минь мяртненьдеме сьормадомс 500 600 пулфт а илядыхнень омбоце шиня Миньдейнек уль пейдемакс, но мезевок аф тят априякшатне и грозыматне минь кармафнемась сьопондомс эсь норманьконь вельф пашкодемаснон. Сай кизоня работама карман ниньге сяда цебарьста. Работама карман станя, што эрьшиня нормазень карман пашкодекшнемонза 150 200 проценти.

Аксинья Аршинцева.

Инсарань район.



Сальск ошу якамать мархта (Азово-Черноморской край) С. М. Буденный ялгась, сувсесь эсь терянц и сазоронц варжама.

Снимкаса: С. М. Буденный ялгась эсь терянц Меланье Никитична мархта (види ширеса) и Татьяна Михайловна сазоронц мархта Сальскошса.

## Кафксть пашкодьяс нормазень

Совхозса работама мон кармань 1935 кизоня, тунда. Ушедомок работама, омбоце шинякига монь кучемаз шурьхьян кочкама. Работама минь ламонек сембе марса. Кие кода ба афоль работа, получандаль сякок, ровнайста. Ну, арьсян эсь пачкань, тевсь тяфта аф туй. Пяле нормада лама мзярдонга аф пашкочнят.

Корхтан бригадирти кульхоннт, бригадир ялгась, аф келькса мон тыфта работамать.

— А кода тон йорат?— кизефтемань сон. А мон отвечан—А вов кода. Тон макст тейне башка участка мон карман работама ськамон.

Бригадирсь пеедзевсь: мес ина, участка максан, аныцек напрасно, пяле нормада лама сембе сяка аф пашкодыт.

— Ниясаск,— азыне мон.

Шовдава, марса работницатнень мархта мон арань паньдтнень ланкс, марса синь мархтост аделаине рабочей шизень, но мон работань синь корязост нилексть сяда лама. Нормазень мон пашкодине 200 проценти. Обижавсь работницатне. „Тон Марьяна пяк тят эряскад работамста тыфтанга нормась оцюз, эста ниньге сяда касфтсэз и лама аф кармай работавама“—корхтайхть синь.

— Мезевок аш,— корхтан теест.

Мзярда эрь работницати няфтыть участка, эста кивок аф кармай шорсеме, и кивок аф кармай надьяма лиятнень ланкс. Лама работат— лама получают.

Тяда меле полафтьс и лия работницатненьге работасна. Лоткасть синь корхнемде, што выработкань нормась стака. И кармасть пашкодшнемост эсь нормаснон вельф.

Мон вельф пашкодыкшнине нормазень аф аныцек шурьхьян кочкомста, но всякай лаца работаса.

Кда инголи монь зарплатазе ульсь 75 цалковой ковти, а тыни кассь 115 и сяда лама цалковайс. Цебарьста работаманкса дирекциясь каземань 150 целковайхть ярмакса, и ваймама куду путевкаса.

Декабрь 8 це шистонза минь ушедоме чистиндама капстань сеерьхть. Выработкань нормась чистиндамс 1000 сярьхть. Мон максон обязательства, што карман чистиндама аф 1000 сеерьхть, а 2000 и терьца монь латон работама Ивашкина Елизаветать („Верный путь“ колхозста).

Ксения Марьяна.

Инсарань районь Желябовть лемса совхозста.

## Пионервожатаень районнай совещанияса

Декабрь 18 це шистонза Саранскаень комсомолонь горкомть пионеротделонц йотафтсь пионервожатаень районнай совещание кода ульсь кочксефт пионервожатаень краевой совещаниять итогонзон Доклад тийсь комсомолонь горкомть пионеротделонц заведующий Гараев ялгась.

Совещанияв сашендсть велетьнень эзда 23 пионервожатайхть и 3 комсоргт. Вожатайхнень эзда пренияса корхтасть 6 ломатт: Текушева, Никулкин, Домова Дикова и лия ялгатне.

Выступлениатнень эса критико

вандазь комсомолонь горкомть и сонь пионеротделонц аф сатомшкь руководстванкса. Шуроста горкомонь руководителхне якайхть вели и аф максихть лезкс велень пионервожатайхненьди. Оцю школатненьди кучсевихть калдыя вожатайхть.

Выступлениася вожатайхне азондозь фкя-фкянди работань опытнон.

Совещанияда меле вожатайхненьди 1-це № школыа ульсь йотафтф показательнай сбор. Огрядонь вожатайсь Соколова Шурась, конац пионерской работаса, работай 5 кизот. Сборти ульсь аноклаф цебарьста и сборсь йотась станя жа цебарьста, но ульсь кой-кодама афсатыкста.

Сборда меле вожатайхне ванондозь тя сборть, конань эзда вожатайхне илядсть довольнайста.

Вожатайхне макссь вал, што Соколова Шурать опытоци канцаз велень отрядтненьди и работама кармайхть ниньге сяда цебарьста.

А. Куренкова.

## Юкстаф религиять каршес тюремась

Коммунистической партияс макссь пяк оцю доверие комсомолти— странасонок од ломанень, од поколениянь воспитаниять путозя оцю задачкас комсомольской организациять работаса.

Религиять каршес тюремась, антирелигиознай работась ащи стамафкя элементокс, фкя пяк важнай учаскакс воспитательнай работаса. Но, корхтамок воспитательнай работать колга, кой-кона первичнай организациява, религиять каршес тюремать юкснесазь.

А тынь, религиять, вельде классовой врагсь тии эсь тевонц. И сон, классовой врагсь, тынь мархта польовандай тоса, кода лафчста и шолокта вантгама мельганза, кода лафча классовой бдительностеньки. И сядонга пяк классовой врагсь эцесы кяденц школат, идьтнень йоткса, и тяряфни религиять вельдя шаракафтомс идень йонтнень.

Вов тыфтама тевонь колга корхтайхть и фактневок, конат эзфт юнкороньконь сьормася. Алува минь печатлсайнек сьормать Сире Машане велеста. Но на фактне аф ськамост.

Штоба аф нолдамс религиянь заразыть идьтнень и од ломаттнень йоткса, и машфтомс тоста, кода сон кенерьсь эцемс, комсомольской организациятненьди, кода велеса, станя и ошса, и сембода пяк школаса, эряви вятемс антирелигиознай работа. Морафтома кудтнень и клубтнень эса эряви тиеньдемс лекцият, беседат религиять вредонц колга. Азондомс од ломаттнень инголе, што религиясь эряфсь аныцек эксплуататоронь классти—буржуазияти, кулакненьди, козятненьди. Сяс и нолясэз „шкайть“, кона йофси ашель, минь социалистической строительствань конь каршес, польовандайхть религиознай ломатнень фталу ладьяф шиснон мархта.

## СИРЕ МАМАНЕНЬ КОМСОРГСЬ СЮКОНЯСЬ ПОПТЬ ПИЛЬГС

Минь аф лятфтасэз, мзярда первичнай комсомольской организацияньке тиеньць марстонь пуромкс. Аш пуромкст, аш-кодамовок, воспитательнай работа комсомолешнень и од ломаттнень йоткса.

Веленьконь эса аф марьяи комсомольской организациять эряфоц. И, меке лангт, аныцек од ломаттнень но и нльне комсомолешнень йоткса ашихть кемоста сире эряфонь кой-кодама койхне, и сембода пяк—религиянь заразась.

Комсомолешне кудса киредихть.... „шкайхть“, конат заньшесэз моркшть вельксста „почетнай ужеть“. Ярхуамда меле синь аф лисендихть апац озонд моркшть вакста.

Соньць комсоргсь Сергеев Андрейсь, кона работай учителькс, декабрь васьень шиста макссь пример сембе од ломаттненьди: сонь учитель ялгац терьдез кумкс. Сергеев сязовзя кумать и тусуть марса попти, сюконясь пильгонза и эняльхть путфтомс лем одс шачити.

Сембе ня фактне корхтайхть сянь колга, што комсомольской организацияньке кодамовок воспитательнай работа од ломагтнень йоткса аф вяти.

Комсомолец.

Отв. редакторсь Ф. С. РУСЬКИН

## ПРИМСЕВИ ПОДПИСКА 1936-це кизоньди

ШИ ВЕЛЬФ ЛИСЕНЬДИ РЕСПУБЛИКАНСКОЙ

## „КОМСОМОЛОНЬ ВАЙГЯЛЬ“

ГАЗЕТАТЬ ЛАНГС.

ПОДПИСАТЬ ПРИМЕСАЗЬ СЕМБЕ ПОЧТОВОЙ ОТДЕЛЕНИЯГНЕ, АГЕНТНЕ И СЬОРМАНЬ КАННИХНЕ

ГАЗЕТАТЬ ПИТНЕЦ: 1 ковс 60 трыоши., 3 ковс—1ц. 80 тр. 6 ковс—3ц. 60 трыоши., 1 кмзос— 7 ц. 20 трыошникт